

# EXTRACTO DAS NOFC

## ENTRADAS E SAÍDAS

## CEIP San Martiño

As instalacións do colexio para o alumnado transportado e o alumnado que vén cos seus familiares abriranse cando chegue o 1º autobús (nunca antes das 09:15h.) ou no seu defecto 10 minutos antes da hora de entrada (ás 9:20h).

### Educación infantil

#### Alumnado que vén coas familias ou adultos/as responsables:

- **ENTRADA OS DÍAS SEN CHOIVA.** O alumnado de 4º, 5º e 6º de Educación Infantil ocupará a entrada superior e entrará pola cancela norte (comedor/plan madruga). Esperará co neno/a ata que soe a música e chegue o mestre/a responsable.
- **ENTRADA OS DÍAS CON CHOIVA.** O alumnado de 4º, 5º e 6º de Educación Infantil entrará ao centro educativo pola cancela norte, e a familia entregará ao neno/a ao mestre/a responsable, (se quixesen esperar ata que soe a música con eles/as, deberán esperar fóra do colexio) que lle indicará que ten que esperar cos seus compañeiros/as fóra da aula.

- **FALTAS DE PUNTUALIDADE:**

Aquel alumnado que chegue tarde, deberá entrar pola cancela principal que se pechará ás 09:40h. (deberán timbrar se se atopa pechada). As persoas responsables do alumnado, deberán acompañalo ata a entrada principal e deixar ao neno/a cun adulto responsable (mestre/a e/ou conserxe). Se non houberse ningunha persoa nese momento, deberá esperar co menor ata que apareza alguén.

**SAÍDAS SEN CHOIVA OU CON CHOIVA.** O alumnado de Educación Infantil que se vaia coas súas familias, será entregado ás persoas responsables a partir das 14:25h. (cando soe a 1º música de saída) pola cancela norte (a mesma pola que entran). Cando recollan ao alumnado deberán abandonar o centro educativo, para evitar aglomeracións nese espazo. Prégase puntualidade.

#### Alumnado que vén en transporte escolar:

- **ENTRADA OS DÍAS SEN CHOIVA.** O alumnado de Educación Infantil que vén en transporte, entrará ao centro educativo pola cancela principal e situarase dentro da marquesiña que se atopa ao lado da entrada. Esperará nese lugar ata que soe a música.
- **ENTRADA OS DÍAS CON CHOIVA.** O alumnado de Educación Infantil que vén en transporte, entrará directamente ao centro educativo pola porta principal de entrada e situarase diante das súas aulas, pero sen entrar nelas. Esperará nese lugar ata que soe a música.

### Educación Primaria

#### Alumnado que vén coas familias ou adultos/as responsables:

- **ENTRADA OS DÍAS SEN CHOIVA.** O alumnado que veña coas súas familias entrará ao centro educativo pola cancela principal e terá dúas opcións ata que soe a música de entrada:
  1. Dirixirse coa familia/adulto/a responsable á zona antes do patio de Educación Infantil, e esperará con eles/as ata que soe a música, momento no que se dirixirá á zona onde se atope o alumnado da súa aula.
  2. Dirixirse só (a familia/adulto/a acompañante xa non entra no centro educativo) á zona do patio correspondente, sendo o patio inclusivo para 1º, 2º e 3º de Educación Primaria e a pista polideportiva para 4º, 5º e 6º de Educación Primaria.
- **ENTRADA OS DÍAS CON CHOIVA.** O alumnado que veña coas súas familias, entrará ao centro educativo pola cancela principal e terá dúas opcións ata que soe a música de entrada:
  1. Entrará só pola porta principal e se situará diante das súa aula.
  2. Entrará ao patio coa súa familia/adulto/a responsables e esperará co neno/a no patio ata que soe a música.

- **FALTAS DE PUNTUALIDADE:**

Aquel alumnado que chegue tarde, deberá entrar pola cancela principal que se pechará ás 09:40h. (deberán timbrar se se atopa pechada). As persoas responsables do alumnado, deberán acompañalo ata a entrada principal e deixar ao neno/a cun adulto responsable (mestre/a e/ou conserxe). Se non houberse ningunha persoa nese momento, deberá esperar co menor ata que apareza alguén.

**SAÍDAS SEN CHOIVA OU CON CHOIVA.** A partir das 14:25h. as familias do alumnado de Educación Primaria poderán acceder ao centro educativo, situándose na zona antes do patio de Educación Infantil para recoller ao alumnado. Este alumnado, unha vez entregado á familia/adulto/a responsable, deberá permanecer con eles/as ata abandonar o centro educativo pola cancela principal, o que implica que non poderán quedar xogando cos compañeiros/as que se van en transporte.

#### Alumnado que vén en transporte escolar:

- **ENTRADA OS DÍAS SEN CHOIVA.** O alumnado de Educación Primaria que vén en transporte, entrará ao centro educativo pola cancela principal e situarase no patio inclusivo (1º, 2º e 3º de Educación Primaria) e na pista polideportiva (4º, 5º e 6º de Educación Primaria). Esperará nese lugar ata que soe a música.
- **ENTRADA OS DÍAS CON CHOIVA.** O alumnado de Educación Primaria que vén en transporte, entrará directamente ao centro educativo pola porta principal de entrada e situarase diante das súas aulas, pero sen entrar nelas. Esperará nese lugar ata que soe a música.